

ÚTSKRIFT ÚR FUNDARGERÐARBÓK FRÆDSLURÁÐS HÚNAÞINGS VESTRA.

116. fundur fræðsluráðs Húnaþings vestra haldinn þriðjudaginn 19. október 2010 kl. 16:00 í fundarsal Ráðhúss Húnaþings vestra.

Dagskrá;

1.

- Viðræður við skólastjóra Leikskóla (kl. 16:00)
Drög að fjárhagsáætlun 2011
- Viðræður við skólastjóra Grunnskóla (kl. 16:30)
Drög að fjárhagsáætlun 2011

Afgreiðslur:

1.

- Viðræður við skólastjóra Leikskóla.

Leikskólastjóri Guðrún Lára Magnúsdóttir fór yfir vinnu við fjárhagsáætlun Leikskólans Ásgarðs fyrir árið 2011. Flestir liðir eru framreiknaðir með hækkun upp á 3-5%. Fæðisgjald þarf að hækka um 5% vegna hækkunar á aðföngum. Leikskólastjóri fór einnig yfir tillögur að bættri aðkomu að leikskólanum, ásamt viðhaldstillögum utan og innandyra.

- Viðræður við skólastjóra Grunnskóla.

Skólastjóri Grunnskóla Húnaþings vestra Sigurður Þór Ágústsson fór yfir vinnu við fjárhagsáætlun skólans fyrir árið 2011. Gert er ráð fyrir almennum kostnaðarauka upp á 3% á árinu 2011. Skólastjóri gerði grein fyrir tölvukosti og kostnaði við að halda honum í viðunandi horfi á hverju ári. Skólastjóri telur að annað sem tilheyrir fjárhagsáætlun rúmist innan fjárhagsáætlunar. Úthlutað var 459 kennslustundum fyrir skólaárið 2010-2011 miðað við 168 nemendur. Tillögur skólastjóra að kennslumagni fyrir árið 2011-2012 eru 458 kennslustundir miðað við 164 nemendur. Farið var lauslega yfir viðhald á húsnæði og lóðum skólans.

2. Önnur mál.

- Fræðsluráð leitaði svara hjá skólastjóra við spurningum vegna 1. október sl. sem var skráður sem haustþing kennara á skóladagatali en aðeins einn kennari sótti þingið. Skólastjóri upplýsti að haustþingið er skráður starfsdagur. Starfsdagar eru hluti af kjarasamningsbundnum ákvæðum og ekki heimilt að fella niður. Ekki var almennt áhugi á haustþingi að þessu sinni þar sem fyrirkomulag var með öðru sniði en vant er. Þar að auki féll niður aðalfundur KSNV og því þótti skynsamlegt að skoða aðrar leiðir og kennarar kusu að nýta daginn til vinnu. Starfsdagar kennara eru mismunandi útfærðir og þegar ekki er um að ræða skipulagða fundi í skólanum þá vinna kennarar að þeim verkefnum sem þeim ber að vinna. Allir kennarar unnu því starfsdag og hann færist ekki til á skóladagatali. Aðrir starfsmenn unnu af sér þennan föstudag í sláturgerð fyrir mötuneyti.

Ragnheiður Sveinsdóttir situr fundinn af hálfu starfsmanna grunnskólans.

Ína Björk Ársælsdóttir situr fundinn sem fulltrúi foreldra í leik- og grunnskóla.

Fundargerð upplestin og samþykkt.

Ólöf Þorsteinsdóttir(sign.),
Hannes Pétursson(sign.),
Valdimar H. Gunnlaugsson(sign.),

Fundi slitið kl. 17:55

Gísli G. Magnússon(sign.).
Rakel Runólfsdóttir(sign.),
Helena Halldórsdóttir fundarritari(sign.).